

山陽遺稿詩

番  
冊

			一八四一	和書門
		三八〇	〇號	類
八冊	三架	函		

庫	文	閣	內	
二〇六		一八四一		和書
函		〇號		類
一四架	冊			

內閣文庫		
番號	和18410	
冊數	8 ( 6 )	
架號	206	290

山陽遺稿




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





山陽遺稿卷之一

丙戌  
元日

賴襄 子成著

漢草文庫

曉光明暗動窗櫺。曆入新年微雨中。九陌輕肥各人事。一  
園梅柳自春風。無情霜更添髭白。有力酒能回頰紅。卻笑  
妻兒修礼俗。辛盤聊與四鄰同。

觀梅翌日作

昨遊陳跡夢闌殘。酒醒窗白曉光寒。唯有折來梅現在一  
枝著意插瓶看。

再觀梅伏水

再理吟筇出郭來料知香雪五分開  
脚跟不到權門闕卻為梅花走兩回

○梁伯兔歸濃過京雷之數日

歸心雖急未須還卸擔京城春正闌  
閣雨春雲如卵色養花幾日與君看

讀玄宗紀

明皇初執郭元振用振威刑而後來安祿山敗軍不誅是開天治亂大分也

代公頸上凍霜鋒燾影飄風殺氣濃  
黃鉞佗年藏那處曾無屠割到豬龍

秋仲同春琴春村遊嵯峨宿三家店

擬向嵐山看月明侵蹊秋草少  
人行春來腕管嬌絃地半是蟲聲半水聲

十三夕

繞欄秋漲尺來多病盡其如風露何  
乘月捕魚誰氏子幾回攀網漉金波

中秋前後連夜無月

咄咄銀蟾奈汝何秋雲黏水逐宵多  
作意呼燈又呼酒向吾掌上起金波

茶二首

竹鼎沙餅從喚呼愛看魚眼濺  
為珠卅年嘗盡人間味獨

有心情向酪奴

採時空及旗槍際煮候當論老嫩閒最愛風爐火紅處恍  
聞蟬語過秋山

、內藤士謙將發招吾夫妻畱別於樵巷時有斛種丹  
桂來供者分桂子天香句得子字

盆栽秋桂丹杯泛暮山紫離席豈佗人佳招攜內子紅塵  
君已歸青眼誰相視唉指階前水交情長若此

席上內子作蘭戲題贈士謙

荆釵藜杖接清歡夫作崢嶸妻作蘭渠瘦儂頑誰肯愛一  
家風味與君看

哭妹

忽得凶音讀復疑秋前猶有寄兄詞形容自覺倍枯槁老  
樹相連唯一枝

、今津某氏園栽牡丹索詩

槿籬護得牡丹芽不是尋常百姓家欲咲柴桑春寂莫唯  
鋤三逕種秋花

田圃寧無富貴花一稜金粉映桑麻要看人世真黃紫不  
在洛陽姚魏家

○醉杜圖

熊兒前扶驥子後穉女捉燭族門久天吳紫鳳本顛倒醉

山陽先生遺稿卷一  
眼何辨孰身首。任它布衾冷如鐵。老脚今夜蹋欲裂。臣甫  
得爲醉眠人。可忍至尊尚蒙塵。

○○昌黎像

筆底江河走蛟龍。龍文之鼎力能扛。手築孤壘連鄒嶧。身  
當二氏百萬敵。元濟庭湊等嬰兒。搯吭關口本優爲。慢膚  
大腹面渥丹。非是江南夜宴韓。渾噩姚姒溢眉宇。二十八  
宿照萬古。安囑畫工更傳神。爲它被髮騎麒麟。

○○東坡贊

金甌缺陷東北角。天將秀氣鍾巴蜀。腹蓄大峨雪陸離。流  
爲長江萬屈曲。光芒自堪雄百代。不借一枝金蓮燭。大海

長風拂疎髯。咲看狂濤浴天蟾。久矣人間倦遊戲。磨蝎蠶  
叢兩夢甜。拂衣而逝呼不荅。英魄寧爲群兒繫。長畱嬉笑  
怒罵痕。咳唾滿地任人拾。

○放翁贊

傾盡眉州紅玻璃。萬里霜蹄託醉思。歷歷散關與渭水。空  
使戰雲生研池。浙水春風豈不好。回首永昌陵上草。中州  
英靈誰主張。漫使范楊伍此老。老眼耐視小朝廷。矮紙斜  
行向窻晴。恨不使君橫槊大河北。僕役李汾與劉迎。

寓居正對東山諸峯詠懷古跡七首

其一

萬箭刺河漢。盪摩雙日光。野腥龍戰敗。原暗鹿奔亡。華萼  
庭闈亂。戈鋌天地荒。傷心如意岳。夢卜墮蒼茫。

其二

曦影動崔嵬。先鞭誰得回。仇讎覆巢盡。信越建瓴來。虎鬪  
成人利。猴冠亦霸才。可憐騅不逝。一蹶壯圖傾。

其三

旌旗凋不颺。艮岳日將沈。蹉跌復京志。蕭條趨越心。鑿輿  
南北圻。鐵馬雪霜深。仰止英雄恨。茫茫一整襟。

其四

勤王兵可檄。運餉豈無途。天子心腸薄。將軍筋骨枯。曾塗

五宗血難挽。六龍徂一詔。猶哀痛殘雲。護鳳雛。

其五

定霸唯三萬。煙塵來自東。指揮無甸衛。部曲盡英雄。戈戟  
荆榛豁。旌旗日月紅。伯符先入洛。志業竟難終。

其六

諸侯盡蒲伏。七道合瓜分。戰伐從心筭。飛騰兆掌紋。獼猴  
曾掠國。豚犬豈承勳。唯見雞林馘。蓬蒿有獨墳。

其七

鼙鼓狼無患。蟄飛龍有雲。牲書齊五命。鞭弭晉三軍。鳥止  
於誰屋。民孺獨此君。獻俘猶在眼。駟介簇湖濱。

文房七詠

初冬夜演讀書偶見餅花嫣然可愛為作詩顧瓶側  
諸物皆習使令者不可無詩遂各贈六句

花瓶 古銅膽樣

讀書過丙夜燈梳油未竭照看餅中花燈影明半頰會心  
時一顧渠亦開咲靨

硯 紫質綠眼彫為海龍

一研二十年曾伴我修史同吾閱興亡墨綉在肌理所慙  
不醅勞日給數勺水

水滴 三足蟾蜍

研傍銅蟾蜍瞳目缺一足蹠踔恰如我世路寧堪躅吐吞  
萬斛泉膏吻成古綠

鎮紙 水晶蹲螭

水精彫蹲螭故人曾贈余不伍龍熊羆妄想久已除蟠屈  
明素心祗應鎮我書

研山 豫產

兩峯如削成一峯懸欲墜拳大具洞壑時見吐雲氣誰知  
研池側迤邐南海翠

筆洗 蠻物古銅含師所貽

高僧輟銅鉢花紋翠穿骨使我中書君覆心沐其髮問汝



盛庚癸何如黑波凸

畫卷

明王嶼江南春曉圖

一幅小江南橫披畫春曉桃花千萬株睨視紅未了此中可逃世誰言尺縑小

○謝伊丹原生贈酒

乙酉之夏丹人介生索書餉兩大尊余寄其一欲及竭取之已而有播之行歸途馳書促取會運船細載而東纔得殘餘生周旋甚勤

丹陵有佳友兩尊潤吾筆窮人愧大豐偏取寄其一幾旬饜侯醴家壘竭不恤歸路先馳書此時已鬻粟陳醞盡輸東新醪蓄未出臘槽壓庚癸春甕蓋丙戌譬如函秦甲空國擊甌越亦如長平民其孤未燥髮苦乞出祕藏為我屢

屈膝新募發閭左歷敲七十室大尊如正兵堂堂遲幾日別餉一小瓶奇騎貴急疾圍城望援旌枯魚免涸轍得書方長至呼鐺回暖律一滴如劍戈四面凌冰雪淡醇見君情鳴謝豈無述

大和遊仙詞

扶桑葉閒金鳥躍一葉陰蔽赤縣國四百餘州夢未醒群仙卯飲看海色大甌小甌炊瑞穗稻姬釀酒神皆醉三郎為釣棘鬣魚鬣掀春潮飛萬珠遙知阿政眼欲眩徐福船帆低不見

阿鯤草書詞

東海女子阿鯤九歲善草書從父來遊平安 諸王  
攝籙往往召觀遂抵

上皇御覽賞賜禁密酒杯等其父索詩紀榮為作小詞五闋  
與之

阿鯤作草是天才嫩掌掀翻海浪堆前身親覩醉僧訣自  
那墨池飛出來

誰把嬌鬟喚做鯤果然生翼上 僊閣平生墊馬游絲筆  
磨墨 天池濃有痕

宮女如墻擁練裙爭觀玉腕掃千軍簾前落墨  
龍顏笑五色雲閒別起雲

纖纖五指走秋蛇 賞賜磁杯玉絕瑕 天澤和霜堪潤  
筆中描十六瓣黃花

柔荑握筆太慙生右蹙左盤傾座驚書罷嬌呼索餘紙一  
雙春勝手接成

四皓圖 以下十九首並題畫

淮南陣雲鋪地黑不如四叟白鬚色能使迺公望斂手便  
覺孺子坐生翼英雄畜眼無丁字心知輕重賴節士培養  
士氣四百秋休論扶劉是滅劉

題百蟲圖

翅暈金碧蝶夢長鬚黏紅英蜂衙忙螳螂攘臂亦嬉戲蝦

蠓怒目適嫵媚應是螺贏負螟蛉細聽如聞類我聲蟬抱  
蓮房戀墜粉知倚冷露潤喉吻飛翹蠕動天機同一幅生  
意毫末中展向晴窗娛吾目不省吾亦為裸蟲

富岳圖戲翻秋玉山先生詩蓋謂在我邦人當言

如此

帝掬芙蓉雪置之赤縣西凝作崑崙山敢欲較高低

又

帝掬芙蓉雪拋作崑崙山雪汁即黃河卻向東海還

孟母斷機圖

息吾嘔軋熒唔咿墜緒茫茫在這兒誰道七篇經緯業不

由阿母手中絲

寒拾

曾攜一帚出人閒浩劫塵埃欲掃難不識自家機已漏卻

將饒舌罵豐干

墨牡丹

興慶春淡醉阿瞞晴烘金粉露初乾萬蹄捲地東風惡吹

黑天香玉一欄

莊子夢蝶

胡蝶莊周孰是非枉齊物我費心機不如此夢終無覺趁  
絮穿花隨意飛

詩佛老人竹

天民為竹若為詩妙處天成不自知不論胸裡無成竹醉  
毫到紙一枝枝

天画山水

航浮秋水人三兩僕買村醪路熟生怕渠失卻停篙處移  
向柳陰缺處橫

又

眼裏古人無數腕閒秋兔一枝點葉樹身小米著皴山骨  
大癡

又

紅塵紫陌無夢黃葉青山有家迎客撥書容坐遣童汲水  
煮茶

又

大點淡淡小點沈險糜到紙惜如金千年爭擬糊塗筆誰  
會南宮用墨心

題自画山水

舐筆寧追畫匠群研池剩墨愛清氛撐腸書卷為何用結  
作蓬蓬幾幅雲

黃樹青林對小欄最佳山紫水明閒吾家卻欠丹將碧水  
墨唯描一色山

石榴芙蓉合圖

經霜殼破水精粒映水枝堆蜀錦窠  
老木憐秋冷淡此中富貴奈多何

復月作画併題贈承弼

老樹陰中溪水鳴隔樹溪光晚倍明  
安得清涼如此境蕉衫藤杖伴君行

從弟燾寄木雍小幅山水索詩

雲煙半縑闊一尺尺書併寄索題墨  
展看紅塵十丈裡眼明認是鄉山碧  
酷似繪波山前路潮落漁村跣可渡  
又似北城水竹鄉明星寺在水一方  
何時撈蛤燒蘆葦何時呼

渡立沙尾自是不歸歸便得  
聯騎款段會有日

題海棠白頭翁為從弟

相呼白頂映花枝吹老東風也不知  
記取故園春好在暮年定有聚頭時

詩僧希鈍周忌詣其墓

瘦骨飄蕭尚宛然風輪不住忽周年  
霜紅已敗池中樹落葉淡邊葬浪僊

子慎信侯各歸其鄉時余刪改舊著外史方成

儒餐鮭菜共酸甘別路驪歌各北南  
廿歲殺青書纔就一宵浮白酒方酣  
合離朋友繫吟夢興廢英雄供醉談  
緒業

正憑諸子在燈前愁指髮毵毵

山陽遺稿卷之一 畢

山陽遺稿卷之二

賴襄 子成著

丁亥

元日

通衢車騎客駢闐負郭門庭柳起烟料峭春風簷馬曉糝  
糊臘雪紙為天青陽又閱王正月白髮終成我暮年自笑  
清狂猶似舊觀梅有約欲周旋

元日六言

曆改五更三點歲逢二首六身賀春窮巷無客几上梅花  
獨新

題劍稜主人茶籃主人不解飲

梨花蕉葉無分石鼎風爐可娛家有青州從事翻然嬖使  
酪奴

題畫

南垞北垞春雨足。隔水青山如沐浴。知得江水長魚苗。江  
亭誰與傾春醪。日暄東風吹江皺。柳色未如水色綠。

詠史

帶霜旌旆自東還。頤覺群兒肝膽寒。屈指英雄存碩果。回  
頭海宇歛狂瀾。馬貞終得黃裳吉。狼跋何傷赤舄安。休道  
西人謀大錯。天教介冑換衣冠。

京寓迎杏坪翁賦呈

叔每甘忙侄媿閑。相迎無物解歡顏。十旬投足鶯花海。廿  
歲埋頭案牘山。訪勝每論晴雨外。話情多在醉醒閒。紅殘  
又及課耕節。西顧愁君俄欲還。

奉母及叔父遊嵐山

春蟾無魄吐瓊華。閏歲山櫻勉較些。幾片香雲明夜峽。十  
分月色五分花。

嵐山峽口第三家。三度侍輿來看花。花已依然母無恙。慈  
顏紅映幾重霞。

小阮吟詩大阮眠。同澆磊砢共陶然。一瓢已倒春宵短。花

壓溪窻月在天。

遂奉遊芳壑

前度尋春花已闌。今來暖雪照人顏。十年纔補平生缺。奉  
母重遊芳壑山。

侍輿下阪步遲遲。鶯語花香帶別離。母已七旬兒半百。此  
山重到定何時。

疊疊春山別有天。花開花落鎮依然。可憐萬樹香雲暖。曾  
護南朝五十年。

藏王堂感大塔皇子而作

錦幟東風草木馨。崎嶇幹蠱見威靈。天閭養虎書難達。土

窟屠龍血已腥。萬里長城壞。宗子百升明月逼。前星滿朝  
簪。笏衣非白誰為君王言。建寧

談峰

回合岡巒氣勢騰。輝煌金碧廟廊層。風雲一體君臣業。山  
背誰諳天智陵。

○過南都般若寺大塔皇子所匿也二首

門題般若寺猶存。猶憶延秋避賊奔。貝葉應為雲五色。眩  
迷肉眼護龍孫。

土窟雲腥日蔽明。付刀賊手斫維城。收來六十餘州鐵。大  
錯如斯打不成。

唐羅紹威自鑿其牙兵後悔之曰盡收六州四十三縣鐵打此大錯不成



全家奉母及叔父遊江州諸勝由志賀越

澗流泱泱鳥聲低山翠迎人幾曲齊不似逢關關下路避  
牛避馬踏新泥

奉母閑遊盡挈家後先奴婢咲啞啞穉孫同載板輿裡露  
面輿窻喚阿爺

牧牛兒圖

六朝草色夕陽殘一笛風聲昨雨乾龍蟠虎踞山河固孰  
與吾儂牛背安

蘇小圖

西泠柳色翠糝糊藏得佳人家姓蘇何料嬌名藏不了卻

遭畫手寫為圖

○畫山

青山一座翠沈沈萬態浮雲自古今橫側任它人眼視為  
峯為嶺本無心

寄題備後神宮寺寺和氣清磨姊法鈞尼所建

法燈何獨照千春阿弟擎天挽日輪不似李家歸異姓卻  
由煮粥焚鬚人唐李勣事

劍稜主人來京旅次無酒可飲乞余所蓄余所蓄即  
其所贈也戲贈之

君家釀萬石不救今日渴豈無京酒賒甜濁欠香辣向我

乞一瓶拜手語茁軋吾酒君所贈清勁如劍拔他人不分  
勺敢不補君闕呼妻取於罌瓶溢金波凸到家猶兩宿丁  
寧戒擔卒神龍未及水尺寸難自達涓滴乞於魚魚本待  
龍活猶望歸汝湫沛雨苔濡沫

○吾莊二首

壓墻高柳是吾莊。迎客方烹梅子黃。一水數家供婢汲。朋  
尊斗酒有妻藏。南鄰未請杜真率。東野原容韓木強。拋筆  
推窻為小醉。東山歷歷半斜陽。

背城面水是吾莊。六歲栖遲未覺長。柳舊吾栽已過屋。箬  
非隣迸亦穿墻。卷中龍戰筆難了。門外蠅營人自忙。顧笑

孤寒無所恃。書成欲向底山藏。

○修史偶題十一首

黑鼠黃雞兩忽諸。終看冠冕被猿狙。苦心描寫成何事。一  
部東方相斫書。蠹冊紛披烟海深。援毫欲下復沈吟。愛憎恐枉英雄跡。獨  
有寒燈知此心。千歲將誅老姦骨。九原欲慰大冤魂。莫言鉛槧無權力。公  
議終當紙上論。磨墨輕冰在研池。坐知雪意壓燈垂。寒窻筆削豐家傳。恰  
到韓城墮指時。

閉門修史榻將穿。獨醉旗樓解指拳。晚日蒼茫軟塵赤。犬  
猿鬪處定何邊。一字兵機判暗明。越奇峽正迭相傾。窻篁月黑風吹動。代  
寫唧救度水聲。卅方言皆帶血痕。龍拏虎攫事紛紜。保元寫徹慶長尾。自  
覺筆邊生瑞雲。龍戰曾經八洲迹。鷓巢終審一枝安。卻收當日投餘筆。自  
寫千兵萬馬看。二十餘年成我書。書前酌酒一掀鬚。此中幾個英雄漢。諒  
得吾無曲筆無。

野史亭前無數山。某岡某阜事相關。倦來拋筆時呼酒。歷  
歷興亡指點閒。背馳時好枉辛酸。書就寧能博一官。故相何心來索取。亦  
應冷處閉門看。

讀韓蘄王傳

江淮草木畏臥虎。黃天蕩裡轟天鼓。廟堂隻眼輸女兒。向  
君手中奪大斧。三字獄壞萬里城。滿腔不平聊一吐。盡忠  
報國誓斷金。渠銘在膚吾在心。青鞋忽裏登壇足。絕勝君  
家漢淮陰。

○即事

鴨河月黑水聲長。畱客溪亭且把觴。坐久鄰樓人語罷。一燈以外夜茫茫。

夜讀清諸人詩戲賦

鍾譚駮蛩真衰聲。臥子拔戟領殿兵。牧齋賣降氣本餒。敢挾韓蘇姑盜名。不如梅村學白傳。芊綿猶有故君情。康熙以還風氣闢。北宋粗豪南施精。排冑群推朱竹垞。雅麗獨屬王新城。祭魚雖招談龍嗤。鈍吟初白豈抗衡。健筆誰摩藏園壘。硬語難壓甌北營。倉山浮囂筆翰舌。心怕二子才縱橫。如何此間管窺豹。唯把一袁概全清。渥溫覺羅風氣同。此輩能與元虞爭。風沙換得金粉氣。骨力或時壓前明。

吹燈覆帙為大笑。誰隔溟渤聽我評。安得對面細論質。東風吹髮騎海鯨。

浪華橋納涼

萬人聲裡夜如何。月到天心露氣多。豪竹哀絲船櫂比。一江無處著金波。

題桃花放牛圖

相喚牟牟始出欄。休為周野建橐看。吾儂唯愛春郊好。相映紅桃黑牡丹。

詩佛來訪

霞光破碎水粼粼。此際敲門恰有人。傳刺山妻忙辦酒。卅

年耳熟老天民

十二媛絕句

紫式部

靜女高風冠內家何唯彤管逞才華相公百事原無缺不

折一枝淡紫花

清少納言

暗記長慶亦等閑蝦鬚一捲解龍顏誰知雜纂臨摸手當

喚釵裙李義山

妓王

舞衫歌扇帶新愁強把榮枯等水漚侘日嚴霜摧萬木幸

然埜草早知秋

佛

誰知蔡澤出蛾眉奪寵辭榮轉瞬時紫石稜稜似秋鶻見  
機卻不及家姬

常盤

垂髻從走足胼胝懷裏尤憐泣凍兒雪底鷹雛爪如鍊養  
渠它日擊梟鳴

鞞繪

料峭東風凍鐵鱗冰肌澣血淚妝新粟津有勝烏江處從  
騎中猶著美人

千手

燈暗琵琶強試彈楚囚自作楚歌看可憐胡蝶真情種一  
觸春風戀牡丹

靜

雄風東起急煽其草木一時頭盡垂獨有柔荑撓不得當  
筵未可侑君卮

尼將軍

菱花買夢意殊淡雙鳳孤鸞忽古今人彘千年已酸鼻自  
屠豚犬更何心

柁原婦

纖手貪攀幾片霞將軍亦解惜韶華不知何事教夫婿折  
盡連枝棣萼花

勾當內侍

不管關西十六州春寒鴛鴦被領溫柔君王誤賜蛾眉斧割  
弃河山不復收

楠母

強收晝哭淚縱橫努力鵬雛九萬程姑奪家傳殉國劍為  
君護此小長城

○問管翁病不及而終賦此志痛四首

治裝忙上路聞病遠關心暮宿追星見宵征送月沈吾行

雖意憚。父執念恩深。冀及少閒日。猶陪微醉吟。  
聞病趨千里。中途得計傳。不能同執紼。顧悔晚揚鞭。舊宅  
柳依約。空幃燈耿然。傷心臨沒語。待我託遺編。

忘年呼小友。知己獨斯翁。推輓執場上。拔離官網中。一尊  
時燭跋。千里屢郵筒。寂寞文章事。細論誰復同。

曾栽記花木。手畜識鵝鳧。觸目皆堪涕。辭門未作驅。新阡  
勞顧望。舊校慮荒蕪。分手勉孤子。肯能堂構無。

○阿彌陀驛址備後守兒嶋範長死義之處也

天子之詔手翻覆。將軍之教邱山重。手裂教書禦虎威。備  
後老守真忠勇。拔刀剖腹出熱腸。老脚肩接狐鼠踵。熊山

東望鹿子河。廢驛猶喚阿彌陀。自有兒郎期范蠡。沼吳有  
志復蹉跎。成敗何可論。俊傑助盜分利終如何。誰將大筆  
旌此老。豐碑高照山陽道。

長尾訪小野泉藏

醉倚闌干野日斜。秦川一派繞君家。秋江亦有春江樣。愛  
個魚苗似荻芽。

燒山

嶺缺朝陽射。店頭土鑿烹茗氣。浮浮山村知得霜來早。柴  
栗豐肥已裂毬。

○過厩戶皇子廟

山陽先生遺稿卷二  
驛冒班鳩號。廟祀豐聰神。能聞絕域教。其聰誠絕倫。如何  
咫尺際。褒充君與親。龍血流幄座。諉之宿世因。憲法知何  
律。縱釋弒逆人。是非一顛倒。眩昧八洲民。醜聲流宮壺。謬  
論行摺紳。膏血賸黎庶。丹艱壓紫宸。倒持喪大柄。橫流沒  
舊津。姦雄悔悖逆。假之蔑君臣。作俑定何者。流毒竟無垠。  
寸舌寧救濟。萬髓旣彌淪。誰爲民社計。勿循覆車輪。

重陽在仁壽山校

住著村莊旬日來。重陽誰與共啣杯。野人籬落佳風日。又  
有黃花數朵開。

發仁壽山留別諸子疊前遊韻

滿山草木翠差淡。回首前遊歲月侵。一漑自知無所益。可  
憐老圃植栽心。

胄山歌

胄山昨送我胄山。今迎吾默數山陽。十往返山翠依然我  
白鬚。故鄉有親更衰老。明年當復下此道。

○拜織田右府塑像引

日出處。日墜地。鯨鱔食人飛生翅。扶桑大樹安在哉。紫垣  
縱橫萬髑髏。祖宗有靈生英雄。手挽狂瀾扶瑞穗。大事垂  
成身顛躓。遺像空留北郭寺。寺門淡嚴老木青。吾來肅謁  
弔英靈。粉墨剝落帳龕暗。檐過霰聲寒日冥。欲歸雲陰忽



山陽先生遺稿卷二  
解駁。面鬚可窺稍隱躍。雙眉中蹙見性急。兩頰下殺知福薄。唯見隆鼻洞睛爛。巖電英爽襲人難仰看。金閣寺等持院。曾識奕世將軍面。豈有一個堪敵戰。嗚呼不如此。何以定禍亂。想見群雄盡膝行。狼顧脅息懼醢烹。畜狗反噬奴復仇。威愛之報兩分明。君不見後霸匡國誰不師。王者王國藩屏皆部下。唯見猴郎侍其左。願倩塑工盡貌其餘。豐頤大耳森列坐。

○○三條橋行

三條橋分七道路。六十州人來如驚。鴨河暴漲崖欲裂。此橋屹倚盤石固。見道石柱之礎入地深五尋。螭頭不朽精

銅護。誰其造者曰豐臣。天正十八歲庚寅。維春正月乃成役。雕銘十行字如新。壅流挾出蛟鼉窟。鞭石出血誰逡巡。按史正在其三月。公實奉敕事東伐。元戎此處方啓行。鯨背如拭受旌鉞。騎步十有五萬兵。鎧仗映日太鮮明。想見假鬚助威容。縱觀擁橋九陌傾。目中時已無八國。驅率群雄如奴僕。久矣蜻洲路不通。手執節刀剪荆棘。然後熊皮拈矢皆聚橋之東側。君不見整頓乾坤有數公。提挈同成太平功。長城漢倚秦皇帝。汗壘宋賴周世宗。興代不沒前世績。不然銘文毀已空。如何俗儒小人腹。希世偏要罵織豐。誰肯著眼讀銘辭。唯見蹄輪日西東。吾來摩挲暫延佇。

觸柱水聲與我語

飲粟田口旗亭

牛蹄車跡路泥深。築戟東西各作林。獨酌悠然閱來往。馬周今日已灰心。

桂川所見

雨添寒漲岸痕遙。紅樹青林路一條。村叟入城歸到晚。驅牛過水自過橋。

神田實甫至

衰楊陋巷鴨河陰。喜得相思重遠尋。階卸泥鞋寒雨濕。窻搖風燭夜雲深。病鷹宵失翻飛志。老馬猶存騰躍心。耆宿

凋殘吾輩在。莫教兩鬢雪徒侵。

同實甫伯免遊糺林分謝茂秦老樹得秋早余得老字

墜葉滿店無人掃。地僻高樹得霜早。曾記洗盃店脚流水落。林根欹欲倒。滿城摺紳不相知。還有酒家識此老。一醉高吟蹋月行。樹影稀疏歸城道。

題或画露根蘭

所南用筆意須論。黃壤青黎竝不存。六十餘州萬年土。何邊不可託芳根。

送雲華師適尾張

山陽先生遺稿卷二  
鈴關卓錫蹋新霜，宮港買舟撐枯葦。欲隨君行行不得，君如鴻鵠吾蝨蟻。一日三秋况闊絕，問君畱滯其日幾。猴郎虎兒皆彼產，知君遍弔英雄鬼。日長一線歸去來，勿及雪沒金鴟尾。

上總忠光

刀鏃餘生變舊裝，依然國士鐵心腸。隻眸何誤仇讎面，故倩魚鱗亂電光。

渡部競

佯甘羈絆列新班，奪士何如奪馬難。皮上不煩施烙印，舊恩銘在肺肝閒。

題八幡太郎過勿來關圖

春風吹旆白央央，多難關心道路長。滿地腥塵未全掃，馬蹄愧蹋落花香。

題佐佐木四郎騎渡菟道圖

噴鏝春漲叱驕龍，一躍先登誰競雄。卻識官途波浪險，著鞭勇退急流中。

論詩絕句二十七首

萬首琳琅任手揮，詞鋒未脫白家圍。皮毛擺落天真見，一掬恩香在御衣。  
春宮一種曉鶯音，竹裡何如御柳陰。日出君臣佳話在，燕

泥惹禍彼何心。  
衣中廿八顆明珠。風雅終然墮筍蔬。出類故當推絕海。指  
揮如意掣鯨魚。  
橫槊吟驅北海濤。敵城屈膝拜旌旄。冑為救勒歌和淚霜。  
滿軍營雁影高。  
髀肉生時白髮多。殘軀不樂亦如何。老龍獨眼窺唐域。唱  
出升平第一歌。  
拋劍援毫豈等閑。現身欲列古仙班。領他三十六峯碧。卻  
乞殘烟向五山。  
正德諸公盡出群。駭雞雄雉各爭文。翻空千仞求威鳳。當

屬筑州源使君  
白石滄浪書牘存。詩中商略用朱門。誰知麗藻非假偽。前  
輩文章本細論。  
口角宮商音響浮。句中義味未深求。一生不解子遷好。兩  
岸秋風下二州。  
羽橋何及玉山光。野鷺家雞枉抑揚。不解藁砧鴻雁語。勝  
他太白對流黃。  
倉儻縹緲恰相宜。猥瑣何堪被肉絲。欲把金丹換凡骨。試  
吟南海竹枝詞。  
海內文章落布衣。偶然七字是珠璣。登高唯有梁翁賦。解

道連雲秋色飛  
濟南選法本澶漫  
扶別何須後手刊  
金篋不醫徠翁眼  
猶從五里霧中看  
萬卷撐腸筆有神  
空疎何敢議前人  
始知翰墨關時運  
文化何如正德春  
歷城何及慶陽才  
偽體從來欠別裁  
竹垞漁洋渾不省  
復為滿口說袁枚  
浪速城中朋盍簪  
猶從嘉萬索金鍼  
茫茫混沌新穿竅  
唯有多才葛子琴  
泥犁口業未成空  
呈佛祇當彫琢工  
栲叟草廬家數小  
鉢

孟還出渭南翁

朱絃疏越愛鏗鏘  
風格誰爭老禮卿  
大句寧無排冑力  
終然五字是長城

虎鳥龍蛇耳怕聞  
編裨空憚勒千軍  
論衡帳裡家家在  
開闢誰稱武景文

河叟憐才如海涵  
種桑養就吐絲蠶  
可知樂易心遙契  
前學香山後劍南

自號詩佛意如何  
千偈瀾翻任口哦  
教化縱然非廣大  
濟人不墮阿修羅

學吟爭願五山知  
寸舌權衡海內詩  
卻恨管絃非太曆  
嬌

喉不索十郎詞

柏昶為詩有別才空腸直吐性靈來稜稜吟骨無收處理  
向空山土一堆

時好遷移如循環百年唯鬧宋明閒誰從唐尾占閑地西

有竹田東柳灣

織女機絲巧剪裁江湖數子各仙才誰知白兔迷離眼卻

竊蟾宮靈藥來

評姿群觀宋元膚論味爭收中晚腴斷粉零香合時嗜問

君何苦學韓蘇

文章於世本纖塵唯恐頹波沒舊津欲掣鯨魚無氣力半

聞  
鬧疑

生徒被喚詩人

食華臍魚歌

有魚有魚名華臍美哉其名誰所題蟹團麝香誇不得味  
壓玉膾與金釐京城天寒價如璧故人獲雋會饞客爐紅  
鼎沸下鹽豉銀盤新堆臘雪白雪片墮鼎搖未消急嚼齒  
閒鳴瓊液肝如黃酥膚紫菌遍體華腴知名允聞汝口吐  
待食來可憐翻到我脣吻切蔥擘橙助精神頓覺四肢回  
春溫咲他世人嗜河豚脆美亂真如鄉原嗚呼汝豈與渠  
陰狠同外雖醜穉內純融口蜜腹劍李林甫何如吾見媠  
媚魏鄭公



○雜詩

山城春淺乍陰晴。疎霰過簷窻日明。屋外梅花開幾許。東風聞在紙鳶聲。

題紀氏草園

種柳栽花十萬家。東風各自競榮華。不如負郭無心草。先向閑園茁綠芽。

○○拜

桓武陵十八韻

天潢初正派。帝運昔方中。寧樂十許朝。至光仁。桓武始復天智之統。襟帶山河碧。規模日月紅。遷都詔有山河襟帶。自然成城之語。都城跨龍虎。將帥馭

罷熊。方略從懸算。驅攘制遠戎。一隅清獠羯。九鼎奠穹隆。

累洽生三聖。平城。嵯峨。淳和。皆帝子。同寅貽數公。藤原內麻呂緒。嗣等皆所簡遺。紀

綱趨叔季。堂構忽岐豐。撞壞群兒手。陵夷烈祖工。扶持無

輔弼。竊據有姦雄。指六波羅室町。王座分南北。民瞻各異同。兩都分立。

人懷嚮背。幾經兵馬踐。纔發稜氛蒙。默佑成回復。宏圖見始終。

言近古變亂為治。玉魚光壟壤。寶氣貫雲虹。萬戶烟炊外。一杯荆

棘叢。地祗防穴蟻。神胤庇斯螽。誰處平安地。平安之名。亦定於當

日。敢諼延曆功。樵蘇詢隧道。檜柏認靈風。率土微臣意。陳

詞薄鞠躬。

又



十萬人家烟火蒸龍蟠虎踞勢峻增不知耕鑿由誰力春  
草茫茫延曆陵

○贈卷弘齋

曾看楷法太端莊。羅綺叢中忽共觴。銀燭烏絲寫腸斷。煩  
摹婀娜十三行。

○雷堯佐話

春灘雨輟水聲聞。春月行天夜有雲。吾貯一尊君且坐。瑞  
香香裏細論文。

大和萬歲樂圖

擊鼓其鏜非用兵。素袍烏帽表升平。具瞻日出真天子。萬

戶東風萬歲聲

老坂

纔過一坂是丹波。昨雨乾時泥雜沙。燕語呢喃畱客住。李  
花林裏十餘家。

楊妃教鸚鵡圖

玉碎香飛不得歸。馬嵬碧草血痕肥。慧心不省他年夢。還  
把金經教雪衣。

題雪堂翁臨大雅山水

栖託猶嫌塵事侵。幾層青嶂寫清深。雪堂何襲霞樵筆。唯  
有雲烟契此心。

過福井氏

綠樹環軒昨雨乾，牙籤插架許抽看。何來香氣襲緗帙，花發一盆金粟蘭。

桃竹刀鞘引山根士慎遺物

吾有三尺護身刀，久藏未有飾其室。長州桃竹工絕妙，織成爲鞘勝髹漆。微也歸長託齋去，何料奄然因羸疾。關心遺草散不收，刀在何處何暇恤。剝啄到門致一函，拆封蒼龍啓。螫出有友代述生前語，經營纔就鞞鞞。季札掛劍爲死者，死者爲生難於札。憐渠孤孽自磨礪，學成欲試忽一蹶。有如此刀百鍊鋒，未出其室鋒鋸折。又如此室斐成

章未稱刀用倏相失，刀兮室兮宛在此。之子生死長相訣，

題石靖節集陶句

廣江大聲得小石肖人，衣巾面目頗如畫家所傳陶

淵明像。索詩於君夷及余，君夷詩盡焉，余無可言，卽

集淵明語塞責

情通萬里外，高操非所攀。時時見遺烈，我欲觀其人。形骸久已化，言笑難爲因。一形似有制，不知幾何年。問子爲誰歟，欲辨已忘言。天容自永固，靈府長獨閑。我心固匪石，聊且憑化遷。將去扶桑淚，復得返自然。語默自異勢，安得不爲歡。摘我園中蔬，淹留忘宵晨。一觴雖獨進，十載乃相關。

土佐童子龍學我書賦贈言小技不足誇可助親歡  
勝他嬉戲耳

晴日輕風坐在家明窓弄翰侍爺爺紙爲竹馬渾閑事自  
愛毫端掣黑蛇

題辛夷爲昌藏院師

一株木筆對僧攏個個含苞動晚風莫道仰天爲底字大  
藏万軸亦書空

桃源春曉圖壽某官人四十

強仕抽身志願迂桃花流水夢空徂將朝猶早焚香坐閑  
看武陵春曉圖

○寄懷內藤士謙

鴻鯉迢迢浮復沈孤燈遠夢兩人心報君志豈衰年減思  
友情於別後淡遙識長吟獨呼筆喜聞短髮尚堪簪駝橋  
鴨水宦遊跡相遇何知無再期

題畫爲亾友山根士慎

霜縑曾許寫新圖何料幽明忽異途塵沙劫隔雲烟影畫  
樣能稱汝意無

山茶

暄日微霜乍放晴可憐寒萼隔窓明憶曾僧榻談禪坐靜  
聽一花花落聲

期疑

○送族弟綱歸鄉

折節憐君惜寸陰。旅窓燈火共研尋。一家添補讀書種。千里周旋扶老心。橋梓影孤歸路遠。烏烏聲樂故林深。北堂吾亦衰親在。陟屺常愁霜雪侵。

○夜訪信侯呼星岳又至

市灯稀處叩君門。淡巷初乾梅雨痕。香認盆蘭發。魚子影知階。竹出龍孫。毀譽到耳休。溪間文字橫胸要。細論更喜佳朋隔街住。呼來每得咲顏溫。

讀書八首

吾髮猶未白。早已擲華簪。未能住林壑。杜門紅塵淡。豈無

友朋締俯仰。非所任言笑。雖云樂謗譏。動侵尋率意。時觸諱飾情。亦等瘡。不如還讀書。有人獲我心。

開室灌水裏。軒窻洞南北。薰風生其間。衆鳥鳴不息。鳥言無毀譽。寧說喪與得。喜彼門外事。不到几榻側。披吾架上書。持映木陰綠。遙遙千載人。如覩乃顏色。收卷爲一笑。此心唯自識。

今朝風日佳。北窻過新雨。謝客開吾帙。山妻來有敘。無祿須衆眷。八口豈獨處。輪鞅不到門。饑寒恐自取。願少退其銳。應接雜媚嫵。吾病誰砭箴。吾骨天賦予。不然父母國。何必解珪組。今而勉齷齪。無乃欺君父。去矣勿聒我。方與古

人語

吾生千載後而求聖賢心。聖賢亦人耳。肝腸無古今。其言本平易。傳者故鑿深。坦坦亨衢內。故生荆棘林。安得羸皇火重除。蕪穢侵泥沙。若不淘烏能覩精金。治亂自有漸。海宇數分裂。挑灯閱汗青。歷歷如眉列。深思窺其倪。此意向誰說。燈花如有心。向人落復結。東山何藹藹。夕陽發紫色。鳴水收微瀾。縈回展白玉。鳧鷖知日暮。相喚歸汝宿。吾亦收吾書。戒婦開尊醪。河鮮自可烹。竹筍自可斲。就吾東軒下。一杯聊相屬。築室鴨水上。插柳纔數尺。來住方六年。其高已過屋。上枝

栖鳴蟬。下枝拂浮鷺。中枝映吾几。翠陰書可讀。仰看樹如此。歲月如流速。

吾思善清行。封事敘意見。彌縫忠邪閒。屢免連罪譴。又思江廣元。濟時見權變。幕賓實別當。朝銜虛大膳。二子洵可慕。不囿儒林傳。遇時展所學。千載見其面。榮辱交乘除。利祿疑依戀。不如草莽士。湮沒全介狷。

戊子夏秋之交詠園中草木示從遊子弟擬東坡先生而非盡然也

盆盂毓幽蘭。抽華忽數莖。莖紫蕊含綠。漸變白彭亨。一朝破其類。遠香漾軒櫺。人才同卉植。育養期華英。函容雖愧

狹滋灌務節程。茁然吐芳馥。豈不娛吾情。

鑿池蓄泥腴。種藕方出荷。卷葉如傾蓋。稍高展旗牙。傍更  
出一葉。非葉乃是花。苞荅如羅縠。護此紅玉芽。有根斯有  
華。此理誠不差。囑汝休速開。速開欲如何。

月季每月開。籬落裏風露。剪故出新芽。英華由激心。一月  
不剪伐。葉茂花不吐。因循學薔薇。引蔓附佗樹。外慕不自  
立。莫乃失故步。

盧橘與梅花。不借天噓喻。吐英當寒沍。結實冒雨濕。味可  
調鼎鼎。品貴金光擘。石榴亦可喜。不爭群芳急。晚出乃驚  
人。一花點萬葉。纍然經霜露。未遽拆汝頰。誰言面皮粗。中

貯千玉粒。

飲于星岳新居

九街聊僦讀書櫺。小室疎簾苔氣馨。隣樹過牆借翁鬱。井  
泉溢缶喜清泠。一尊催汝開新綠。雙眼迎吾展舊青。噓喻  
塵埃息。鵬翼休為容易徙南冥。

題介石翁絕筆畫松竹遺言囑題於余

石翁描石還描竹。竹石相俚太有情。記得畱吾竹。淡處烹  
茶石上聽秋聲。

兩株松樹翠沈沈。老穉交柯翠色淡。不問龍鱗成與否。忘  
年曾契歲寒心。

余與王香遊嵐山誤破其酒瓢為補之係以詩  
醉破君瓢花外村補吾膠漆尚溫存庚庚橫理君空記亦  
是春鴻舊爪痕

題大雅富春山圖

淺絳圖傳七里灘霞樵別手變孱顏石青應拾梅花片  
淡出富春春後山

畫鳴望岳圖

望岳於薩陞不如畫鳴快薩陞吾曾經畫鳴唯見畫尺縑  
辨方位素壁姑張挂芙蓉插海心波浪決吾背指點曾經  
道迤邐如遙黛

大槻士廣西游過別話次援筆圖沿道山勢概畧代  
臚題此

京畿山脈向西趨邈迤直抵肥薩隅路緣其南轉循北為  
君約略製此圖囑過赤關頻左顧先認彥山與阿蘇

○同筱承弼及諸子觀東寺古書蹟還飲于朱雀旗亭  
紀以長韻

油幕裹小轎輿病冒大雨趁友南郭寺聞其富藏貯觀覽  
許檀越爰居供鐘鼓寒儒附驥尾巾服混同侶開士學於  
唐善書非摹撫歸航齋書籍矮紙手錄簿大像畫奇偉縑  
幅贊七祖大字鶴令頌小字聖教序圓活藏雄勁綉帳伏

山陰先生遺稿卷三  
弓弩閒以飛白書。飢蛟鬪渴虎。聰明見絕人。小技蓋餘緒。  
敕章與教書。班班又難數。田券弘仁前。端楷署民部。指揮  
歸武人。書蹟變僉父。足利書最多。器物款建武。入犯託窟  
穴。報施固其所。織豐戒蹂踐。粥飯資給予。華押元帥筆。句  
撇頗飛舞。施主總安在。伽藍儼故堵。乃知開創謀。能勝英  
雄主。書生顧蹇拙。孫謀本莽鹵。忍饑觀書畫。貪癡遭吟侮。  
欲進呵攙先。脚麻行偃樓。決起問酒家。同醉氣聊吐。歸轎  
穿夜街。灯火夜未午。瞥眼閱苦樂。一日成萬古。

○寄杏坪翁赴官三次郡

吾叔真番番。短髮尚堪簪。神明決滯獄。廉介守良箴。催科

自知拙。拮囊每愧瘠。豈戀名爵好。欲報恩遇淡。倚君鎮蠹  
動。輿病度岷嶽。勞瘁雖非憚。瘡癘恐相侵。姪嘗望勇退。今  
則勉力擔。尺書曾努力。合符得來音。喜君平昔意。不隨跡  
浮沈。苟不遇盤錯。何試百鍊金。民瘁何足慮。魑魅識忠忱。  
遙知案牘暇。尚不廢詠吟。投老適得所。掃吾舊書蟬。伊叟  
髮變黑。非賴三椹參。坡翁兒共樂。不憂枕榔林。野老餉山  
藥。訟庭聽春禽。臥閣耿燈燭。獨眠不愧衾。聊寄一尊酒。遙  
遙向雲岑。凜冽澆磊砢。應知老姪心。

○十三夜竹洞山人到雷酌

金波依約動欄頭。呼酒煩君且小留。莫道桂輪猶未滿。風



清月白即中秋。

○十五夜草堂小集

雨濕秋香簷際飛。病軀怯冷下書幃。去年兵庫驛南夜。月  
隱檣竿猶未歸。送客臨階呼客歸。應待萬家歌咲罷。一  
輪徐自放明輝。

信侯至自省鄉

都門甘桂玉。忽然思鄉間。咕嗶惜烏兔。爺孃已桑榆。就我  
決其計。理裝速上途。乃母謀軟腳。乃翁笑掀鬚。每書說衰  
憊。謁見喜豐腴。淹留無多日。團樂樂有餘。鄰叟借漁具。行

釣舊溪魚。手調供甘旨。齋半還贈余。所愧抗顏面。父師諍  
不殊。挑灯談歸况。一一想歡娛。吾亦存老母。欲省路太紆。  
前月得一信。不知今何如。

拜藤納言藤房埋髮冢

黑頭非是不勝簪。薙削誰知用意深。淡王土終歸姦賊手。空  
埋曲局念君心。

九日同伯免信侯輩登吉田山

擾擾萬人家。依依九陌樹。怪此軟塵中。亦容吾輩住。

書楠公碑本後

嗚呼忠臣楠子墓。五百年後見七字。想見當時拔劍目裂

昔黑風吹血霾天地，厲鬼果能鑿此賊。天定論定誰異議，朝廷闕旌典，藩服表死義。况鑄蕃客文，未知忠魂慰。唯有題中署贈銜，近衛中將正三位，猶係延元天子賜。

九月十三夕同檀園賦

風露秋心老，杯觴酒力微。延朋還秉燭，喚婢又添衣。紫割簞花熟，青烹豆莢肥。詩成已淡夜，隣院肉絲稀。

○書朱舜水楠公碑陰贊後

碑面題學延陵墓，碑陰字類多寶塔。忠孝日月詞感奮，頌贊非由臭味合。亡國之臣附驥尾，有脚東海不枉蹋。包胥淚盡和墨汁，扶桑万紙空傳揭。回頭緬甸落日紫，應羨芳

山延五紀，猶勝能書張瑞圖。曾碑生祠媚閹奴。

大風行

歲在戊子維秋中，八日九日天大風。風來自西南海上，肥前筑後當其衝。怒浪大齧穴門破，防戩次第來擊撞。掌大雨點撲人腥，雨邪潮邪聲洶洶。太屋掀撼人盡走，小屋併入飛入空。大木倔強姑抗拒，力竭戰敗斃老龍。烏鳥失其巢，駢死孰雌雄。陸已如此况在海，萬艚四散失所在。吳船葉碎越船破，雖然可修又可改。歐邏已船號浮城，吹之上陸陷地底。募能引拔致於水，賞以互市利一載。愚民莫應涕滂沱，曰何必恤。嗚蘭陀，吾屋盡破，吾田無禾，無緣出常

科何況供倍多金銀宮館成旋圯奈此封姨降嫁何君不  
聞貞觀中海溢肥後沒郡六大鳥來集宰府屋朝廷惶懼  
問大小權帥少貳各陳策水田課耕緩貢調停止交易務  
儲蓄嗚呼古人太過慮何不坐食駭鯨肉  
夢岳歌為仙臺郎監櫻田權大夫  
君曾夢富岳果過富岳足未嘗夢叡山還至叡山麓叡山  
二十減富岳不敢入夢意可識憶昨三峯宛然如舊識霞  
標生面亦娛目嗚呼使君生天正前縱夢何瞻其項與肩  
况過其足到中原泰治有澤又君恩吾聞君藩先公志吞  
八埏知必夢岳及叡山其奈有人著先鞭後來來覩每搯

拳不如君有宦遊樂決背盪胸意悠然君不聞此西更有  
阿蘇有霧嶠雖不及岳各自妙或又入夢相呼召求視何  
如叡山峭恐無官事可託行夢與不夢兩有情

題畫

山頭雲氣藏瀑水源何許思詩終不成愧襲謫仙語

讀後赤壁賦十月望作也

西湖未必勝東坡團練曹閑早放衙不得簽書還亦好攜  
魚攜酒上浮家

○信侯至同賦

鄉間迢遞夕陽沈抱病芸窻且永吟鮫鱓拍浮波浪惡蠹

魚生死歲年淡。紅塵何處可藏骨。綠酒幾人談此心。大阮  
謫居消息絕。遙憂冰雪謾相侵。

題清水寺閣雨景

花外水聲加。欄頭雨點集。及他羅綺散。靜看胭脂濕。

舍公獲宋槧阿彌陀經請余跋之以銅蓮筆架潤筆  
甚精雅賦此志喜

蓮葉偃還仰。蓮華舒復屈。古銅誰摸貌。華葉交凹凸。下有  
一蟹伏。斂螯護顛越。一根金色種。來自阿耨達。置之寫經  
池。可以架不律。吾師有墨痕。芳香雜髣髴。微余跋。芬陀輟  
贈潤。吾筆抽詞思。欲枯鍊句機。未失幾度倩。汝肩停毫擁。

吾膝借其出水氣。庶覩芙蓉發。

臘月廿六日訪信侯分坐上所有爲韻余得燈

殘年僅五日。九衢累雪冰。人忙我得閑。攜酒問吾朋。吾朋  
無僮僕。調食坐復興。謂君且莫爾。此事非君能。徵逐豈無  
伴。朱門酒如澠。不如從吾黨。世路謝峻嶒。蔬菽足侑醉。街  
鼓已皤皤。餅中水仙萼。吐香夜清澄。論文品千古。聊共同  
此燈。

山陽先生遺稿卷三  
（The following text is extremely faint and largely illegible due to fading and bleed-through from the reverse side. It appears to be a collection of short pieces or a list of items, possibly including dates and names, but the characters are too light to transcribe accurately.）

山陽遺稿卷之三 畢

